

ægrotantes, quale exemplum recenset *Thomas Reunesius* epistola 44. item *Hildanus Cent. II. obs. II.* Spectat huc quoque singularis observatio, quam ex communicatione *Excellentissimi Dn. Doctoris Stablii Professoris hujus Academia celeberrimi* habeo nempe: Vir sexaginta, duorum annorum, Gonagrigo Pathemate in sinistro genu, ab aliquot retro annis per vices infestatus, diætæ per plures annos vinosæ, habitus corporis sanguinei leuiter phlegmatici, ex usu largiore generosi vini Thuringici, & insuper factò in Rhedâ itinere, tempore autumnali, corripitur Ischuriâ, cum dolore finistri lumbi, & coxæ ad os sacrum gravativo: Mingit magnam copiam sanguinis, partim floridi partim coagulati in magnos grumos. Sedatur hæc initio multo consilio & arte: post paucas septimanas fluit nonnihil ex hæmorrhoidibus, sed caret sufficiente successu molimen, levatur tamen sensibiliber à gravativo dolore, & lassitudine tensivâ in artubus. Post annum recrudescit malum in renibus, occupatur adstringentibus, accedit febris acuta, fit translatio inflammatoria ad fauces, enascitur gangræneodes, corruptio linguæ & faucium, moritur.

X.

Porro spectat huc quoque singularis casus à *Magnifico Domino Præside* notatus, nimirum Generosus vir 45. annorum temperamenti sanguineo melancholici, aulicæ vitæ deditus, assuetus victui duriori, vino liberalius utens, lumborum dolore vexatus, in hæmorrhoidalem fluxum incidit, quo ipse dolor sensim conquiescit. Post 4. annos cessantibus hæmorrhoidibus & omissa ex consilio Medici venæsectione, cui alias assuetus erat, diætæ